leuant, & ie difois en mon cœur, quand le verray-ie; ma bouche ne parloit point, tout ce paffoit dans ma pensée; voila comme il te faut comporter, disoit-il, enuers Dieu; il importe peu que tu parles, fuffit que ton cœur pense à luy, le foir deuant que prendre ton repos, le matin à ton réueil, penfe à luy, & luy dy feulement ces quatre paroles; si ie sçauois ce qu'il te faut dire, ie te le dirois, cela fuffit, il n'en demande pas dauantage. La langue du cœur est la plus intelligible en Paradis. Noël Negabamat voguant ce printemps dans vn canot auec vn de nos Peres, luy raconta ce que ie vay dire: Il y a deux hyuers que ie penfay perdre la vie en ce lieu cy, le Pere demandant la raison, il poursuit, comme ie trauersois le grand fleuue auec mes gens pour aller à la chaffe de l'autre bord, nous fusmes enuironnés d'vn grand banc de glaces, qui se fracassoient [43] d'vne telle impetuosité dans la rencontre de deux courans d'eaux, que nous pensions tous estre perdus: Voyant le danger éuident, nous montafmes fur vne glace, fur laquelle nous tirasmes aussi nos canots, le malheur est qu'elle estoit si petite, qu'à peine y pouuions nous estre debout: Nous voila tous fur vn pont flottant, mais fi estroit, & si volage, qu'au moindre heurt nous attendions vne mort fans reffource; ie m'écriav, c'est fait de nous, prions Dieu pour la derniere fois: Toy qui as tout fait, tu es tout-puissant, sauue nous si tu nous veux fauuer; fi tu veux que nous mourions, nous le voulons bien; puis que nous croyons en toy, nous irons au ciel, & nous te verrons, nous ne croyons pas en toy pour viure long-temps fur la terre: ayant fait ma priere tout haut, ie dis à mes gens; Ne craignons point, mourons courageufement, nous fommes bapti-